



Tuzla, 27.05.2013.godine  
Broj 84-05/13

Na osnovu Člana 27, alineja 1. Statuta Samostalnog sindikata radnika rudnika Federacije BiH, Skupština na sjednici održanoj 10.01.2013 godine donosi

## POSLOVNIK O RADU SKUPŠTINE

**Samostalnog sindikata radnika rudnika Federacije Bosne i Hercegovine.**

### Član 1

Poslovníkom o radu Skupštine Samostalnog sindikata radnika rudnika Federacije BiH, utvrđuje se način njenog rada i izbora radnih tijela.

### Član 2

Rad Skupštine je javan.

Skupština radi i donosi odluke na svojoj sjednici.

Skupština radi i punovažno donosi odluke ako je prisutno najmanje 2/3 delegata.

### Član 3

Pravo glasanja na Skupštini imaju isključivo delegati Skupštine predloženi ispred Sindikalnih organizacija Rudnika.

Prisutni učesnici i gosti imaju pravo učestvovati u radu Skupštine ali bez prava glasanja i odlučivanja.

### Član 4

Skupština donosi odluke javnim ili tajnim glasanjem a predsjednika Samostalnog sindikata radnika rudnika Federacije BiH bira tajnim glasanjem.

Odluke Skupštine su punovažne ukoliko je za odluku glasalo više od polovine prisutnih delegata.

### Član 5

Skupština radi prema utvrđenom dnevnom redu.

### Član 6

Skupštinom rukovodi radno predsjedništvo od 5 članova.

Radno predsjedništvo bira se na Skupštini.

Radnim predsjedništvom rukovodi Predsjednik radnog predsjedništva.



### Član 7

Radno predsjedništvo predlaže na usvajanje dnevni red Skupštine.  
Po usvajanju dnevnog reda, Skupština iz reda prisutnih bira komisije i to:

- Verifikaciona komisija - dva člana
- Izborna komisija - pet članova
- Statutarna komisija - pet članova
- Nadzorni odbor - pet članova

Članovi komisija mogu biti svi sudionici, osim Izborne komisije koju isključivo sačinjavaju delegati koji nisu kandidati u izbornom postupku.

### Član 8

Skupština se može video i zvučno snimati.

### Član 9

Učestvovanje u raspravi prijavljuje se radnom predsjedništvu u pravilu pismenim putem.  
Rasprava nije vremenski ograničena.

O eventualnoj potrebi ograničenja rasprave, odlučuje Skupština na prijedlog Radnog predsjedništva.

### Član 10

Svaki učesnik Skupštine ima pravo na repliku za slučaj ispravke krivog navoda. Replika je vremenski ograničena na tri minuta.

### Član 11

Verifikaciona komisija na osnovu primljenih punomoći provjerava ukupan broj prisutnih delegata i podnosi izvještaj.

Na osnovu izvještaja komisije, radno predsjedništvo Skupštine utvrđuje dali je prisutan dovoljan broj delegata za punovažno odlučivanje.

### Član 12

Izborna komisija broji 5 članova, a predsjednika Izborne komisije bira izborna komisija.

Za člana izborne komisije ne mogu se birati delegati kandidirani u izbornom postupku.

Izbor predsjednika i zamjenika predsjednika Samostalnog sindikata radnika rudnika Federacije BiH sprovodi Izborna komisija, koju imenuje Skupština iz reda svojih članova.

Po završetku glasanja, Izborna komisija podnosi izvještaj o obavljenom glasanju Skupštini.

Izvještaj o obavljenom glasanju sadrži podatke o:

- ukupnom broju delegata Skupštine,
- broj prisutnih delegata Skupštine,
- ukupnom broju glasačkih listića, te broju važećih i nevažećih listića,
- ukupnom broju glasova svakog od kandidata, a po potrebi podatke o novom krugu glasanja.



### Član 13

Prijedlog kandidata za izbor predsjednika Samostalnog sindikata radnika rudnika Federacije BiH daju sindikalne organizacije na Skupštini ili sindikalnom odboru.

Dvije ili više sindikalnih organizacija mogu predložiti zajedničkog kandidata.

### Član 14

Izbor predsjednika Samostalnog sindikata radnika rudnika Federacije BiH koji je istovremeno i predsjednik Upravnog odbora, vrši Skupština, javnim ili tajnim glasanjem.

Za predsjednika Samostalnog sindikata radnika rudnika Federacije BiH izabran je kandidat koji je osvojio natpolovičnu većinu glasova prisutnih delegata.

Ukoliko u prvom glasanju ni jedan od predloženih kandidata nije osvojio potrebnu većinu glasova, vrši se naredno glasanje između dva kandidata koji su u prethodnom glasanju dobili najveći broj glasova.

Ukoliko i tada nijedan od predloženih kandidata ne dobije natpolovičnu većinu glasova za predsjednika je izabran kandidat sa većim brojem glasova.

### Član 15

Zamjenik predsjednika se bira na isti način kao i predsjednik Sindikata.

### Član 16

Rad Nadzornog odbora i Statutarne komisije regulisan je članovima 34 i 35 Statuta Samostalnog sindikata radnika rudnika Federacije BiH.

### Član 17

Ovaj Poslovnik stupa na snagu kada ga usvoji Skupština većinom glasova prisutnih delegata.

SKUPŠTINA  
SAMOSTALNOG SINDIKATA  
RADNIKA RUDNIKA FEDERACIJE BIH



*[Signature]*  
Predsjednik